

南音 《仁貴征東》之

《開書大意》、《薛家來歷》

歡迎複印，妙韻廣傳

(起八板南音板面)

慢板

閒來無事，不從容。睡醒東窗，日已中。萬物靜觀，
皆自得。四時佳興，與人同。道通天地，有形外。思
入風雲，變態中。富貴不淫，貧賤樂。男兒到此，是
英雄。從來大任，天將降（工）。筋骨常勞，在厥躬。
豪傑古今，知不少。幾見終身，坐困窮。不幸胥微，
身作役。良弼旁求，版築中。即至坐茅，璜釣渭。亦
驚西伯，兆飛熊。蘇秦不禮，於其嫂。胯下淮陰，辱
市中。慧眼從來，人最少。安知蛇可，化為龍。（短腔）

(接短序)

中板

正係冷暖俗情，言不盡。耳把根由，另講一宗。乃係
說唐，立後傳。薛家仁貴，一英雄。佢先時亦是，

無依靠。後至白蛇跨海，定遼東。能立功勛，扶社稷。亦是唐家一代，大英雄。（短腔收）

慢板 (禿唱)

話說喺大唐貞觀，年間號。當日山西，省分中。絳州府屬，嘅龍門縣。太平莊上，好來龍。內裡有一村，人姓薛。有位仁兄叫薛桓，乃係財主富翁。佢嘅田地金銀，都難以計。所以人人都叫佢，係小石崇。佢不特止係唔驕，仲好好禮。為人處世，就最謙恭。所生嘅兩個，孩兒子。大概叫薛英，細嘅叫薛雄。呢個薛桓到七十，七十零三歲。笑騎箕尾，就去匆匆。兄弟一雙，將啲產業。就分開來管理，大家不相同。薛雄亦係，孳孳利。持籌握算，會計工。債賑龍門，佢都放透。富與陶朱，一樣相同。自古有錢，功名易。斗粟捐名，員外相公。平素一毛，都不拔。決不

中板

輕易，施捨一筒。此即薛仁貴，佢嘅阿叔。但今日撇
卻唔講，佢嘅事宗。咁就書歸正傳，講吓仁貴。且把
薛英原委，就敘玲瓏。佢亦不貪，和不妒。行藏都頗
有，古人風。聘娶個妻房，乃係潘氏女。性情堪與，
堪與孟光同。佢哋夫婦行年，三十五。始生仁貴，在
房中。出月安名，為薛禮。對佢愛惜如珠，與寶同。
但佢自小總唔，開口講話。爺娘都不喜，在心中。估
道胎生，為瘡癥。咁渾名就呼佢，做啞巴童。（短腔）

（接短序收）

〔完〕